

راحت قابلاى طوالى :

- تغور بلدك باللى فيها .

حدق الشاب فى عليوى كأنه ينتظر منه غضبة الفلاح يقبل كل
شء ولا تسب عشيرته ، ولكن عليوى فى الوقت الذى يتحدث عنه ،
كان قد فصله عن أهله وعشيرته حاجز رقيق . لم تثر الإهانة إحساسه ،
فبلعها . . واستمر عليوى فى حديثه :

- « قلت لها :

- بلاش نروح للبلد . طب نروح مطرح مانجى .

- تعال وياى .

- والغم ؟

- هاتهم معاك .

- مش بتوعى !

راحت لاوية وشها زى اللى زعلت من الكلمة دى . ومشت

تانى ، وقربت تغيب عنى .. كل دا والشيطان يلعب فى عقلى .»

وقف عليوى وكل عرف فيه نابض متيقظ ، أسكرته حديثه

فطاحت رأسه ، يقع نظره مرة على المرأة ومرة على القطيع ،

ووقف الشيطان أمامه ممسكاً بالميزان بيتسم له .. ثم هوت كفة

المرأة ..

.. « ورحت صارخ فيها :

- هوى .. هوى .. أنا جى .